



11

T 5344/4512







安陽集卷第三十

宋司徒太師侍中上柱國尚書令忠獻魏王韓琦著
明少傅兼太子太傅吏部尚書武英殿大學士郭林校
表狀

辭免使相第一表

臣某言伏奉制命特授臣淮南節度使守司徒
檢校太師兼侍中判相州加功臣食邑食實封
者冢司備位屢陳懇去之宜故里班條重竊榮
歸之幸顧便藩之恩禮駭中外之聽聞愧弗敢
當避期得請臣某中謝伏念臣忠雖自性戇不

哈佛大學漢和
圖書館藏

安陽集卷第三十

臣

兼材久塵元宰之崇蓋辱累朝之遇正塗是闢
愚守難移責自任於四來謗不虞於三至再幸
繫鱗之際會終逃積羽之湮淪加疾疹之內攻
覺疴疲之日甚荐形剡牘力懇妨賢果回天地
之仁獲假麾符之守然而敷五教而分治領於
外者幾希建六纛以臨戎兼爲相者殊重仍視
帥臣之秩俾充鄉郡之行仰君命之非常質人
言而可畏伏望

皇帝陛下謹守成之法推懋賞之公謂失簪履
者雖不忘求舊之思而上印綬者豈可被無名

之寵亟停異數免玷大猷少寬忝冒之誅更誓
糜捐之報臣無任

第二表

臣某言伏奉制命特授臣淮南節度使守司徒
檢校太師兼侍中判相州加功臣食邑食實封
尋具表辭避蒙降批荅不允者出守之恩顧衰
疲之甚幸非常之命徒震駭而莫當辭懇雖勤
詔音未可重茲干瀆必覬矜從臣某中謝竊以
三公之崇固非人而不授五教所敘惟處內而
是宜矧兼真相之榮外領元戎之重在昔臣隣

之罷去無聞寵異之及茲雖曰殊私豈容清議
伏念臣孤忠少與椎直近愚自升拜於冢司倏
再踰於閨歷有尊主庇民之志而才不逮心負
竊位素餐之譏而久增其媿屢殫誠請求解機
繁終垂惻於上仁得爲藩於故里不意曲加優
遇駢錫徽章名器假人必累惟新之政負乘致
寇終傷卹舊之慈伏望

皇帝陛下開博照之明諒危悚之盡亟寢告延
之誤以章馭貴之公病宰乞骸旣免冒塵之踰
分勞臣任力皆知勸賞之無私臣無任

謝除使相判相州表

臣某言近奉制命特授臣淮南節度使守司徒
檢校太師兼侍中判相州加功臣食邑食實封
尋兩具表辭免蒙降批荅不允仍斷來章者宰
職曠功莫副宵衣之治鄉邦得請重叨畫錦之
行被恩典之特優顧人言而甚愧臣某中謝伏
念臣早繇科第遂玷寵榮不圖翰墨之進身自
竭洎塵而報國備員諫諍幾不免於竄投奮命
疆垂實荐罹於艱阻獨恃聖神之眷誰開援助
之言仁宗皇帝知其守以孤忠謂可屬之大事

慶曆之始已擢貳於樞機嘉祐之中乃進登於
宰輔俄膺冢任益荷殊知當英廟之承祚逮聖
人之嗣歷稔重遭會罄竭愚庸惟知社稷之安
豈顧家宗之末然而萬微多務一紀妨賢爲國
持平敢自私於輕重裁人所欲固難免於愛憎
加疾疹之嬰纏苦形神之耗弊勉訖因山之禮
懇陳上印之宜伏蒙

皇帝陛下念犬馬之力易衰擴日月之明爲照
不罪再三之請亟垂開可之音進秩地官剖符
扮社建高牙之里旣疏淮海之封增故里之光

仍襲貂蟬之舊勿塵之甚今古疇借敢不思盡
瘁於寢興泯寘懷於内外在邊在庭之責惟驅
策以當前益堅益壯之心至糜捐而後已臣無
任

免冊命表

臣某言伏奉制命特授臣淮南節度使守司徒
檢校太師兼侍中令所司備禮冊命者地官之
拜已過冒於寵私冊命之殊愧重煩於優禮臣
其中謝伏念臣素惟無狀久玷冢司茲懇避於
繁機得出臨於本郡三公進秩方深假器之譏

萬乘居尊敢屈臨軒之禮伏望

皇帝陛下念國容之良重顧邦典之非常申飭
攸司亟停異數庶少安於夙夜惟知荷於矜全
臣無任

謝賜宅表

臣某言伏蒙聖慈特賜臣所賃官宅一區累具
奏免奉聖旨不許辭避者補郡以行旣極榮歸
之寵僦居之久又叨即賜之恩眷遇過優省循
難處臣其中謝惟昔馭臣之法無先懋賞之方
其疇不私所予其謹若甲第之爲况必大功而

後宜而臣自玷冢司訖無他效屢貢避賢之請
方蒙從欲之仁獲守本邦何啻昔人之夸耀所
膺異數絕非當世之擬倫已增積於厚顏復就
頒於美宅稠重感幸夙夕震兢敢不加治藩垣
乃情王室居無勢奪人知上賜以常存身靡家
爲日愧忠言而自激臣無任

永興軍謝上表

臣某言奉勅差判永興軍府充陝府西路經略
安撫使兵馬都總管已於今月十一日上訖避
賢而罷方獲典於鄉邦改帥以行復誤膺於聖

寄易晝錦還家之樂爲夕冰將命之憂雖已見
於吏民懼不勝其責任臣其中謝竊以自陝而
右惟雍處中昔日用兵嘗并制於諸路平時無
事遂分總於中權然而勢不相維事難克協或
左有防虞而右弗思於援助或彼專嚴戢而此
姑尚於因循致邊備之寢墮實議臣之同病欲
正元戎之法式欽睿筭之精恭惟

皇帝陛下稟大舜之聰明邁成湯之勇智謂堂
上之兵必勝猶責任人而闔外之制不專胡能
治衆俾悉歸於節度當謹擇於材雄而臣久冒

冢司積成衰疹適懇章之屢瀆得本郡以榮
不圖乘障之臣驟有邀功之舉一開邊隙上軫
盱朝命更領於麾符敢幸安於桑梓慨然就道
遽爾之藩心目所經頗諳詳於舊事精神之用
已耗竭於當年茲惟仗國威靈挺身忠義導天
聲之震怒宣上德之寬仁外以圖疆場之亟寧
內以務編齊之無擾關中按堵苟粗底於小康
鄴下養痾願祇還於故守荷諭言之無戲期病
質之少休臣無任

戊申相州謝上表

臣某言近奉勅差判相州軍州事已於今月二十
 十二日到任上訖殄寇無謀積勞生疹恩還鄉
 守衣繡免譏於夜行詔覲天闈錫馬屢膺於晝
 接遽辭軒陛即見吏民顧忝幸以誠多撫孤孱
 而自惕臣某中謝竊以鄴都之舊壤素為河朔
 之近封民風甚淳郡務亦簡兵粗明於紀律地
 不据於要衝他人得之尚眾稱於美任愚臣叨
 此蓋籍隸於本邦况臣至和之中大鹵為帥以
 沉痾而露奏遂故里以分符比旌纛之再歸正
 一看之一紀過家上冢寵存極於存亡垂組李

鄉事更光於今昔此蓋伏遇

皇帝陛下仁侔覆載德紹祖宗深憐累牘之告
 衰乃命懷章而均逸帝宸賜見俯矜憔悴之容
 北道之藩不奪使安之請臣謹當奉行寬詔嗇
 養殘骸訪身之醫而念國之醫治已之病而及
 民之病膏肓可愈苟無二子之為妖忠孝所存
 惟誓一門之圖報臣無任

安陽集卷第三十

安陽集卷第三十一

宋司徒太師侍中上柱國尚書令忠獻魏王韓琦著
明少傅兼太子太傅吏部尚書武英殿大學士鄭朴校
表狀

判大名府三年乞閑郡第一表

臣某言竊以驥老而責千里固何益以馳驅
臆技之有五能已自殫於短拙輒披誠而取
俞覲血隱以推慈臣某中謝伏念臣素乏材
謀粗持忠朴惟幸三朝之際會寢叨極品之
光榮自移守於鄴都適三周於歲律事旣
劇而心雖欲勉

病所困而力不能堪今復風入四支日加變痛
氣留兩脇內極攻戕蓋臣享厚祿而不知踰涯
故天與沉痾而俾以自省思苟逃於凶折當上
叩於聰仁伏望

皇帝陛下隆天覆之恩念雲從之舊矜其久疾
貸以餘生許辭將相之重權就易麾符於僻郡
高明少抑免深鬼瞰之憂鍾漏向殘猶有夜行
之媿臣無任

第二表

臣某言近以久疾乞辭將相重權就移僻郡伏

家聖慈特賜詔書不允者臣誠已至本深知分
以辭勞君聽未回尚惜推恩而賜可荐敷危悃
決俟俞音臣某中謝伏念臣四紀逢亨三朝竊
寵良自無功而厚祿遂罹多病以久衰一辭東
府之鈞衡再領北門之筦鑰莫非強勉以濟劇
煩心雖云勞力有不逮然猶徘徊歲月偃息朝
昏庶幾小康翻覺筋骸之愈憊若曰微效訖無
毫髮之足稱雖恃聖仁實虞陰譴苟尚留於要
地將不保於餘生伏望
皇帝陛下特軫孤臣曲全舊物許罷貂蟬之秩

并收旄鉞之權簡靜小邦俾獲親於醫藥支離
瘁質或未至於膏肓願垂從欲之慈敢忘糜軀
之報臣無任

第三表

臣某言伏蒙聖慈以臣上表乞早俞前請就移
邢相一郡特賜詔書不允者疾難自力蓋當止
於不能聽未及卑尚莫從其所欲懼即填於溝
壑敢再犯於雷霆臣某中謝伏念臣生對盛世
早塵顯服惟慮國家之難報豈知才智之易殫
遠處近司寢惟多病向辭上宰本圖勞逸之

均暨尹別京翻困劇煩之滋甚矧流年之三易
當疾疹之久攻庶務糾紛一身勉強生有涯而
足愴神太用以幾亡若將相之榮苟坐恬於尸
素則寒暑之疹將遽及於膏肓伏望

皇帝陛下感動至仁矜全舊物回聖后燭幽之
照察老臣知退之心許上戎旃免司留鑰付之
閑郡息肩俾遂於少休顧此餘生沒齒難忘於
再造臣無任

第四表

臣某言近三上表願上戎旃免司留鑰付之閑

郡俾遂少休伏蒙聖慈特降詔書不允者罔功
納節以疾請麾三嘗自陳一切未許行恐餘生
之莫保敢千萬死以有聞臣其中謝伏念臣中
實枵然生而贍甚寵榮欲報勇於遇事而輒爲
筋力旣衰失在知難而未止比挾將顛之質疊
傾必至之誠厚祿戒貪願止淮南之旄鉞小藩
乞守免當河朔之侯襟尚未矜從尤激危懼蓋
殘軀不息漸歸溝壑之爲鄰空食寢深轉暴洎
埃無補伏望

皇帝陛下特回天聽俯徇物宜不遺螻蟻之微
情各任鷦鷯之常分有民人足以爲政畀支郡
以養痾雖將相許其辭隆絕公朝之假寵旣完
素守仍息久勞恩施難名報償何有臣無任

第五表

臣某言近四上表以久疾不堪劇事到任已越
三年願納麾節就移邢相一郡伏蒙聖慈特降
詔書不允者病難任劇職合辭隆開可不時顛
擠無日危迫敢殫於血懇哀憐願軫於皇情臣
某中謝伏念臣起自孤生初無遠業祿常過量
寵榮最早於他人福不勝災疾疹遂纏於今日

所以憇還將相之印力避兵民之權庶就閑州
以舒瘁質私計已決愚誠不移雖委寄誤深不
謂三年之已久而衰疲待報讎嗟一日之爲長
矧是戎旃固非虛器無功以領於義未安使老
臣兩失於寸心豈仁主曲全之本意伏望
皇帝陛下特回天鑒俯遂物宜就更麾符許上
旄節驅馳駑足免令濱死以未休治養殘骸或
冀餘生之可保大恩難狀丹抱奚論

北京謝再任表

臣某言昨蒙聖慈差降中使齎賜勅告改授永

駐軍節度使判大名府再任尋蒙上恩乞免換
節制之命伏奉詔恩特允所乞仍別降勅再任
者悃悞屢陳從欲許還於新節衰疲自力竭能
勉撫於舊封委寄逾深顛擠是懼臣某中謝伏
念臣本緣一介之曲學歷被三朝之誤知自解
幸鈞繼紆守紱早年遇事風霜不計於殘軀晚
歲纏痾藥餌乃同於常膳比引揣躬之分數裁
辭劇之章力勾閑州少安病質而恩生望外事
願違俄更西雍之帥旄尚付北門之留論所
極論去就仰贖聰明幸寵利非事君之宜必

寢加恩之命策疲駑雖老臣可強敢不拜再
任之休訖奉俞音兩諧愚懇此蓋伏遇

皇帝陛下至仁天冒盛德海涵器使庶工愛偏
物雖俊傑甚衆並試有爲之時而疋瘁之餘
皆夜無用之地敢不勤宣條教兼拊兵民儻溝
之未填尚乾坤之可報臣無任

判大名府再任滿乞郡第一表

言臣聞陳力不能者止斯善省躬非位而
誠爲竊祿顧衰骸之難強加職事之不
丹愚終期軫惻臣某中謝伏念臣材資

朽拙際會沐明十稔近司愧涓塵之無補一身
多病差蒲柳之易衰向雖蒙均逸之恩尋存易
極煩之地惟是北門之重正居中冀之衝使傳
交馳河防日急神識已昏而治紛拏之務筋力
已憊而躬應接之勞愈不自勝其誰見恤頃周
三歲屢叩九閭願還使節之榮復守鄉邦之舊
蜚蟻之誠斯至冕旒之聽莫回黽俛弗安疋疲
孰訴今茲再任實滿四年戰兢而履冰淵粗能
免過疾痛而呼父母豈不加憐伏望
皇帝陛下念犬馬之疹日深閔桑榆之景甚迫

安陽集卷之三十一
六
俯矜危懇特示至仁許旄印之並收就里閭之
差近俾更偏郡以養殘軀公幹之卧漳濱稍延
視息子牟之居海上敢忘朝廷斯惟洪造之曲
成雖盡餘生之曷報臣無任

第二表

臣某言近上表以再任實滿四年多病不勝乞
收旄印就里閭之近改一偏郡以養衰殘伏蒙
聖慈特賜詔書不允者陳久疾以辭煩蓋申前
請錫溫言而垂諭尚闕俞音輒恃至仁再領危
懇臣某中謝伏念臣智能甚短學術尤疎

眷遇於三朝徒守朴忠之一節自勉當於都會
惟務罄於駑材疹積于中實覺不支於往日事
紛於外愈知難強於殘年故前後累形於封章
而誠悃未蒙於省察况忝魏臺之寄四更堯曆
之新一道之重而心不為不勞連任於此而時
不為不久質於常典率皆受代而有期豈茲老
臣獨使向隅而無訴伏望

皇帝陛下推父母之深愛開日月之至明垂憫
負薪之憂回照覆盆之下俾收使節退守偏州
庶幾事簡而責輕少安悴質苟得氣完而神復

可保餘生未填溝壑之間敢忘乾坤之報臣無任

第三表

臣某言近兩上表以再任滿久疾乞納旄節就移近鄉一郡伏蒙聖慈特遣中使賞賜詔書不允者屢引疾以訴天願均勞而易地難動蓋高之聽未推從欲之仁罔避譴誅必期矜允臣某中謝伏念臣本無他技偶對聖時荷恩逾丘山之崇報國鮮消塵之效向解鈞衡之重欲蘇犬馬之疲素心忽戾於初終重寄尋更於西北昔

開纒數月之間今任別都荏苒已四生感歲時之易失默傷齒髮之寢衰况感於風孳顧積日可憂於殘廢若使尚必將遽及於膏肓伏望

下察此哀鳴出於至懇卹晚塗之甚迫之增羸未遺簪履之微特軫冕旒之念目斂就假麾符多病不能願效汲生之治歸老漸希踈傳之行儻得遂於餘生敢少再造臣無任

北京河決待罪表

安陽集卷之三十一
言大河所次全魏居衝苟先備之不嚴固
三之當咎臣其中謝伏念臣衰疲日甚寄任
憂雖驚力之強扶實病心之久耗惟茲經瀆
設巨防於舊而無用之間失預作不虞之計
一惟淫雨遂致橫流矧此屬瘵率皆盡瘁於耳
且之難及素倚攸司在几按之所勤日常不暇
悉由臣恬無遠慮昏不過憂早圖營繕之方上
軫宵旰之念伏望

皇帝陛下申明發憲訓飭多方不徇一臣之私
遂而臣四海之公論特加以論傷其本
府通判職官等從來實不關預抹溢後來皆在
走救扞備見夙夜用心乞並從寬貸臣獨甘重
責無任

安陽集卷第三十一

宋司徒太師侍中上柱國尚書令忠獻魏王韓琦著
明少傅兼太子太傅吏部尚書武英殿大學士郭朴校
表狀

癸丑相州謝上表

臣某言奉勅差判相州軍州事已於今月六日
到任上訖別都再滿難力勉於殘軀故里三臨
見恩殊於舊老已班條教徧曉吏民既知聖君
博愛之仁又慰前守復來之望臣某中謝伏念
孤忠少與他技非長荷累朝含育之私玷上

宰弼諧之夙向辭鈞軸冀息衰疲會西鄙之繹
騷繼北方之震溢復當憂責莫遂安休補鄉邦
屢得於虛名領帥任通踰於再閏矧是鄴京之
重素推朔部之雄事鞅掌以裝懷殊無少間病
纏綿而仍歲寢以不支及茲當代之期輒露乞
憐之訴願上節旄之過寵特更桑梓之近州始
錫溫言諭河內所留之意卒膺可詔有會稽如
請之行臣嘗考載籍之名臣記本朝之達宦凡
得被典城之寄幾何諧衣錦之榮如臣稠重版
古稀闊展先冢而松楸動色過里門而耆稚

歡此蓋伏遇

皇帝陛下廣覆無偏大明必照顧蟲魚之細尚
唯恐於傷生况簪履之恩固不忘於軫舊乃厚
曲成之造俾延將盡之年敢不調養病傑激昂
老節不以鄉閭而爲苟且之政不以疾疹而幸
尸素之安氣體遂完或可備國家之用筋骸益
瘁即當求田里之歸斯犬馬之所存在君親而
何報臣無任

謝賜生日禮物表

臣某言伏蒙聖慈云云者親生在旦方萃感於

巴孤君賜維時遽拜嘉而至渥寵榮所集震厲
無從臣某中謝伏念臣底滯天資迂踈時用特
緣一介之術業歷備三朝之弼謨罄竭短才猶
坐兼於袞鉞徘徊重祿未歸就於田廬左弧第
謹於私庭中詔忽傳於子舍衣頒內府馬錫天
閑韜葉有輝器文加鏤生而維翰寔慙山甫之
降神今也所蒙又異桓榮之稽古此蓋伏遇
皇帝陛下愛深舊物禮厚孤臣垂記始生猥加
異數敢不益殫駑怯少荅龍光庶逃不稱之譏
謹且乘之戒上恩既重臣命愈輕臣無任

賀收復熙河等州表

臣某言伏聞熙河路經略司秦修復河城等
百官稱賀者隴外數川驚天感而率頌延
辟慶廟筭之惟精凡在幅員舉同欣躍臣其中
謝伏惟

皇帝陛下雄材大略高出前王偉蹟闕休復隆
百代雖內修於文德亦外闡於武功將帥得人
關國於於百里臣隣歸美舉觴咸薦於治年
臣方守郡章阻陪朝著聽膚公之來上知聖治
之日新臣無任

謝放免勦劾相州差壯城兵士表

臣某言本州准樞密院劄子奉聖旨河北西路
轉運司近奏劾相州違條差壯城兵士往者處
收買修造物色已差磁州通判李宗取勦並特
放免者郡條紛冗難逃誤失之愆使部按
坐曠墮之責特荷聖明之燭隱遠從寬貸以推
恩臣某中謝伏念臣氣劣早衰心疲易耗自鄉
國之編守嬰疾苦以彌年力不堪煩果自貽於
罪咎上猶加卹俄曲示於矜容此蓋伏遇
皇帝陛下大度淵深至仁天覆謂臣

動觸於常刑故眷及舊臣使眾知於優禮方願
歸於畎畝敢少忘於國家臣無任

甲寅秋乞致仕第一表

臣某言知足所以不辱道家之至言謝病豈必
待年先儒之高論顧宿痾之寢劇差悴質以難
支欲逃瞰室之災敢露乞骸之請臣某中謝伏
念臣性資甚贇學術非長徒被眷於三朝悉叨
榮於上宰力不勝任居懷覆餗之憂天責其盈
常困負薪之疾屢劾山衷之奏獲從補外之行
存持西北之要權莫副朝廷之重寄向辭會府

還守本邦垂組夸鄉固多榮耀息陰止影少幸
安休而臣積恙有年良醫莫辨氣攻胃脇痛甚
戈矛之所傷鬻起膏肓理非藥石之能近苟尚
貪於厚祿必逆喪於餘生伏望

皇帝陛下特推天地之大恩俯念桑榆之末景
許上還於印綬俾退處於衡茅則臣得以釋去
吏勞保完神幹庶獲萬全之靈劑更施一旣之
微功在酬畝以愛君敢忘忠國先犬馬而填壑
是亦甘心僕賜矜從仍乞只守本官致仕于

第二表

臣某言近以衰老多病上表乞守本官致仕伏
蒙聖慈特差中使賞賜詔書不允者弗廖之疾
固日極於疴疲將盡之年竊自憐於光景願辭
隆於將相得歸佚於林泉未賜恩俞再祈軫惻
臣其中謝竊以不能者止斯為量力之宜厥位
惟危豈有苟安之理矧微生之寡祐感竒瘵以
難名當血氣之未衰尚任攻治逮筋骸之益瘁
莫可支持皆由臣曠責無慙冒榮不退天既惡
其盈滿鬼亦瞰乎高明致茲陰譴以何逃獨特

君仁而可訴伏望

皇帝陛下曲矜舊老俯照孤誠念臣如禮休官止有二替而甚近閔臣纏痾蒞事曾無一日之少安釋其絆羈遂彼菊菽許乞身於田里覲延命於朝昏漏盡而行免貽譏於識者日入而急庶同樂於耕民使獲全於始終惟永荷於仁聖臣無任

第三表

臣某言近以衰老多病兩上表乞守本官致仕伏蒙聖慈特差中使齎賜詔書不允者竄

疾久已深根游岱之魂日將去幹苟不嬰於事得退伏於私居尚覲衰殘稍延視息仰俞恩而未下幸哀訴以終憐臣某中謝竊以千載逢時適其志者古實難偶萬鍾受祿患其失者人之常情況臣丁全盛之期遇至仁之主為郡處鄉閭之便泰官兼將相之榮豈不欲憑藉龍光留連富貴恐自投於閑寂甘取銷於昏愚蓋臣以疾苦支離力難勉強据疾顛之位既居常而弗安指告勞之年又將及而無幾歎崦嵫之漸迫陳悃幅以再殫痛甚而慈親莫聞誠至而高

穹必動伏望

皇帝陛下擴天地無垠之施閱冰炭不治之痾
實此餘齡矜其末路賜以安車之寵息茲駑駕
之疲使朝廷有知止之臣足光聖政顧魚鳥得
遂生之樂免負慙顏臣無任

乙卯夏乞致仕第一表

臣某言臣聞祿者所以食功無功則謂之虛受
力者以其堪事廢事則謂之空官深惟二者之
譏其實兼之已久責雖未至誠豈能安願乞垂
年之骸益降善養之德臣其中謝伏念臣資靈

推鈍術業朽跡遭遇盛時徊翔近列誤荷三朝
之注意未嘗一事以辭難前迹具存大明洞照
去歲以久嬰疾恙日耗冲和意惰神昏肌銷骨
立屢拜章而告老庶得暇以營醫累錫詔音未
容謝事湛恩淪髓積媿叢心嗟薄祐之所鍾困
宿痾之愈劇雖牽強策勵不克支在公之役而
語默動靜未曾忘曠職之憂滿盈之屯晨夕可
待况臣叨臨本郡已越再暮欲宣力於要藩則
支離而難強遂偷安於故里實尸素以堪羞復
去縱心之年止餘周歲之近敢重于於天辰期

安退於田廬伏望

皇帝陛下留聰明睿智之神廣徧覆包函之造
俯察豚魚之懇垂矜蒲柳之衰亟推從欲之仁
俾遂歸休之請穀神閑境儻沉痼之有瘳肉骨
餘齡皆聖恩之所賜如允所請只乞以本官致
仕干冒宸嚴臣無任

第二表

臣某言近上表陳乞致仕伏蒙聖慈特差入內
內侍省內東頭供奉官勾當內東門司劉惟簡
齎賜詔書不允者衰年病久懇乞殘骸睿眷恩

隆曲矜舊物闕俞音而未下撫瘁質以何安
此冒聞終期得請臣某中謝竊以享萬鍾之祿
者人情之所戀被六極之疾者天譴之有來蓋
祿過者戀之不祥疾熾則來其示罰苟災生而
不避將鬼得以加誅而臣際會三朝周旋二府
竊崇高之位而出臨桑梓無尺寸之效以上報
國家坐越再暮月嬰宿疹里民為之指笑鄉老
相與訾譏謂臣筋力已疲既不可奮當繁劇鍾
漏云迫又不能速丐安閑聆群議之交喧顧自
容而無地于何進責是必歸休伏望

皇帝陛下道廣照臨恩全終始閔老臣之無狀
得危瘵而弗瘳賜以餘齡遂其退節馳心黃屋
寧忘魏闕之思訪道赤松豈獨漢臣之幸臣無
任

第三表

臣某言近上表陳乞致仕伏蒙聖慈特差入內
內侍省內東頭供奉宮勾當內東門司梁從政
齋賜詔書不允及有殿直崔汝良押賜到制告
勅牒各一道蒙恩改授臣永興軍節度使令再
任者老病不任方露乞骸之請聖宸未諒俄蒙

換節之留事絕戾於本心日不知其自處力當
避免卒覲哀憐臣某中謝竊以君之御臣進退
不可差於禮臣之守分去就不可失其宜故禮
之差則非治國之大經宜之失則爲終身之至
辱伏念臣久尸重祿常苦宿疴自叨任於安閑
亦寢成於尪劣去歲以膏肓作癘寒暑交攻不
惟皮骨之僅存固已精神之並耗屢勾歸休之
適終沉賜可之音壹鬱葵伸昏冥愈甚此幸本
邦之再歲輒申前懇而一言豈謂誠不上通恩
非所望恃易帥旄之重俾仍鄉郡之優雖陛下

求舊之私在一時而孰擬而愚臣要君之迹縱
萬死以何明伏望

皇帝陛下監務燭微道先貴恕念辭榮而受寵
理實難安矜積疹以垂年許從謝去收其渙汗
貸以餘齡使一介之守不虧獲全終始則萬乘
之仁至厚曷報生成臣無任

安陽集卷第三十二

安陽集卷第三十三

宋司徒太師侍中上柱國尚書令忠獻魏王韓琦著
明少傅兼太子太傅吏部尚書武英殿大學士郭朴校
奏狀

乞外任知州狀

右臣輒瀝危誠仰塵睿聽庶期恩允但積震營
竊念臣昨自丁憂服闋到闕在館供職及監左
藏庫復差充開封府推官住京通及四年有餘
在府日以家貧累重數曾進狀陳乞外任知州
差遣事寢不行後於去年十二月內蒙恩授三

司度支判官當日臣上荷慈渥未敢再申前請
今來到省已及半年有餘粗勵勤拙偶免隳曠
重念臣本由衰緒獲竊榮階聚族至多食貧斯
久欲適庇宗之望再希補郡之行伏望聖慈下
軫單蹤特頒俞音許以舒宣二郡或公流路分
授一合入知州差遣稍賴公田復霑優俸誓力
求於衆瘼冀微補於盛猷干犯宸嚴臣無任

辭免諫官第一狀

右臣近者輒瀝丹愚上千宸寧冀諧補郡得以
元宗遽荷宸私俾從人欲尋奉勅差臣舒州軍

州事已朝辭訖見起發赴任今忽在閣門告
蒙恩授臣右司諫令受告勅者被寵匪堪省躬
增懼伏念臣早承墜緒勉遵素業妄希寸祿本
無他技伏遇

皇帝陛下首臨軒陛親策廉能誤中甲科亟塵
優仕進聯匠署出贊侯封逢辰之榮揣分誠過
暨遭憂去職除服還臺忝預直於書林復監中
於朝著嚮繇主藏移佐尹京僅越朞年易參計
局曾無幹用少補鴻明徒以衰替之餘貧窶滋
甚屢嘗劾奏願遂假麾幸沐俞恩實蘇粹族方

禁坐甫及行期豈謂過錄單蹤擢濟諫列矧茲
言職務進忠規固當簡才是爲稱選而臣自叨
引籍繼被使煩顧局事之微粗嘗修舉在朝政
之大奚所發明此或冒居必于清議伏望
皇帝陛下睿鑒遐燭天仁下濟特追成命俯矜
前懇令臣止守舊官許赴舒州本任則循名責
實諒無假器之言砥節首公永效捐軀之報其
閣門所賜告勅臣未敢祇受臣無任

第二狀

臣前在舒州軍州事尋已朝辭今准

門告報蒙恩授臣右司諫令受告勅者臣度才
難處引讓非爲尚稽俞音增惕辱軀竊念臣近
以住京歷年居職無效族屬所累俸廩不支懇
上奏函冀從州任

皇帝陛下已回睿監俯遂勤請庇宗如願淪髓
知榮不謂恩出非常任踰其量驟升諫列實駭
人聞重念臣久預周行徒堅素節曾無讜論仰
助熙辰罔詳政教之善經莫究朝廷之大體遽
茲冒寵孰曰當仁伏望

皇帝陛下開照微之明謹失德之舉追還渥命

簡用真賢令臣止守舊官發赴舒州本任儻或
稍甄孤迹未允外遷即乞許臣且奉常參却候
在京依例差遣如此則天仁從欲俾知分以獲
安臣節輸忠期轉壑而後已臣無任

代張若谷密學舉官自代狀

右臣伏覩右諫議大夫充集賢院學士任中師
器識淵通行能淳固奉諍臣之職式罄忠規陪
書殿之游素精儒業惟是別卿之亞實參司寇
之崇宜擇幹良以重名器願回誤及之寵擢茲
當用之材臣今舉充自代臣無任

授起居舍人舉官自代狀

右臣伏見右正言有集賢院吳育學富識精行
醇德茂陳三道之要早膺舉首之擢預七人之
聯益見匪躬之操惟左右置史之重有言動必
書之法須才而任在選宜艱內度已能誠知於
不逮外稽公議必謂於當仁願回誤恩以進良
士臣今舉充自代干冒旒宸臣無任

授知制誥舉官自代狀

右臣伏覩尚書刑部郎中直集賢院權同糾察
在京刑獄王皞識略淹該執文宏瞻懷鈇書殿

素高約史之才典獄都畿甚著持平之譽儻進
司於名命必振起於時風願回誤恩庶協公議
臣今舉充自代干冒旒宸臣無任

代中書謝歲節御筵狀

右臣等伏蒙聖慈云云者履歲元之序方納於
春祺乘機務之閑俄頒於宴寵調飴曷禪於宸
化肆筵姑預於朝歡此蓋幸遇

皇帝陛下恭已凝圖協時布度庶官樂職群物
遂生贊陽之令惟行湛露之恩遽及邇聯胥集
頌光蓬華之居聖澤載滂益荷雲天之地唯誓

傾輸之報仰酬臨照之私

代中書謝皇子降生詩獎諭狀

右臣等伏以靈辰既肇爽律方中協皇嗣之誕
彌示郊禱之吉應此迺宗祊錫羨高厚儲休流
瑞福於庶邦衍基圖於萬世而臣等獲毗隆治
親覩嘉祥形下俚之音式宣熙事冒中宸之覽
徒媿菲才豈謂天量包荒詔函加獎聖言溫麗
日星之象交輝臣節傾輸葵藿之心共盡

進皇子降生詩狀

右臣伏以佳月吉辰皇嗣降慶此蓋陛下寶慈

降儉仁育庶邦惠澤遠流天下蒙福故昊乾顯
鑒宗祐默助挺生聖子以示無窮之待幅員之
間既抃且舞臣叨塵詞掖獲覩盛美輒忘愚陋
著成王言十二韻律詩一章以繼嘉頌之末

應詔舉王居白堪充選擢任使狀

右臣伏覩都官員外郎知漢州王居白清德懿
行外溫內方策名效官行越二紀處煩無滯其
用舉事必協於中分符遠邦衆謂沉抑達遇朝
廷選材濟治詔及下臣願以名聞足備器使
今保舉堪充選擢繁難任使如擢用後犯正人

已贓臣甘當同罪

乾元節陳乞姪景淵思澤狀

右臣親逢盛際獲預近班無似之才久叨寄任
及私之請尚覲恩榮適丁誕聖之辰幸均延世
之賞臣有親姪郊社齋郎景淵幼親師學粗稟
義方當鳴社之發祥思元宗而竊祿自天之澤
固浹物以無垠許國之心在損軀而曷報干冒
旒宸臣無任

移帥陝西緣邊四路謝賜緡錢狀

右臣誤膺朝寄兼總帥權多壘未清茲爲辱命

榮名存及能不媿心惟俟重誅敢圖蕃錫豈謂
特回睿眷載惻邊勤賜以上林之泉且示中權
之寵無功被賞誠取厚顏以死報君願殫常節

陳乞姪景先差遣狀

右臣輒傾危懇仰瀆慈宸方崇孝以治人冀推
恩而從欲伏念臣早失父母鞠於諸兄官薄家
貧久未遷葬近年於許州陽翟縣卜得坐地方
圖襄事適值臣差充陝西經略副使臣遂奏乞
兄璩磨勘改官後除一京西汝州知縣差遣就
便營葬後來却得壽州安豐知縣臣方欲奏乞

改差又值兄璩身亡所有葬事至今無人幹集
臣復任當邊寄不敢自求私便今選得來年遷
葬有親姪將作監主簿簽署保靜軍節度判官
廳公事景先到任已及成資欲望聖慈特許就
移許州簽判或許州陽翟汝州梁縣知縣差遣
一次寧神宅兆庶安人子之情效死疆垂少報
君親之惠臣無任

明堂陳乞妻甥杜儀恩澤狀

右臣伏以錯事合宮式昭能饗均禧率土咸被
霈恩輒循保任之規仰瀆睿明之聽臣有妻甥

進士杜儀幼而志學長以克家屬嚴配之展儀
實上下之交福躬疆場之事雖莫奉於祭容念
葭芋之親尚竊援於陰格儻特從於人欲誓力
報於君仁其杜儀仍乞於文資內安排干冒宸
嚴臣無任

甲書進天章閣觀祖宗御集錫宴詩狀

右臣等伏蒙聖慈召赴天章寶文閣觀祖宗御
集賜御飛白書群玉殿錫宴者二帝在天多文
垂世並河洛圖書之與極天人精祲之微
聖帝陛下祗若先猷秘於內閣思崇寶訓見於

瑤函爰命邇臣獲窺聖作從容便坐揮發宸毫
咸有恩頒又參宴集實睿聖非常之寵為臣隣
莫大之榮謹各賦成拙詩一首繕寫進呈洩瀆
天聽臣等無任

中書進仁宗皇帝挽詞狀

右臣等伏以德行皇帝奄棄萬國內外臣妾號
慟殞絕無有生意况臣等待罪二府始終榮遇
皆願從死于昭陵之下而不可得然欲宣盛德
述至仁寄其悲慕之懷以傳著于無窮惟是蒿
里之歌薤露之唱可布寫其一二臣等忍泣抽

思各撰成大行皇帝挽詞三首繕寫上進臣等無任哀摧感咽之至

中書進英宗皇帝挽詞狀

右臣等伏以大行皇帝方圖至治奄棄群臣四海悲摧殆絕生理而臣等備立二府聖眷特殊雖百殞其身固不能報恩遇之萬一今諏辰云吉遷坐有期臣等潸泣悼心各著成挽詞三首願假執紼者以發揚其攀號痛慕之情臣等無任

上永昭陵名狀

北城之圖按禮經而伊始因山之故奉大訓以惟嚴宜立嘉名上符至德大行皇帝仁無不浹道極莫稱開壽域以躋民咸歸聖治建善經而長世坐致時雍豈徒超越於百王固以光輝於萬世大行皇帝陵謹請以永昭為名

上永厚陵名狀

因山而葬將循堯帝之宏規就水為名復舉漢文之故事詢于邇陋曷足形容伏以大行皇帝以上主之資繼京炎之祚聖心欲治方圖庶事之康天意難忱不降萬年之福此方中之始寔

宜復土而有稱上大惟盛德之無前固與方輿而
同厚大行皇帝諡陵謹請以永厚為名

安陽集卷第三十三

三

